

**БОСНА И ЦЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

Делегација у
Парламентарној скупштини Савјета Европе



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

Delegacija/Izaslanstvo u
Parlamentarnoj skupštini Vijeća Evrope

**BOSNIA AND HERZEGOVINA
PARLIAMENTARY ASSEMBLY
OF BOSNIA AND HERZEGOVINA**

Delegation to the Parliamentary Assembly of Council of Europe

Broj: 01,03,04/1,03/11-05-2-688/26
Sarajevo, 17. 3. 2026.

**KOLEGIJU PREDSTAVNIČKOG DOMA PSBiH
KOLEGIJU DOMA NARODA PSBiH
KOLEGIJU SEKRETARIJATA PSBiH**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 27.03.2026			
Organizaciona jedinica	Klasifikaciona oznaka	Redni broj	Broj prijave

**Izvještaj sa sjednice Komiteta Parlamentarne skupštine Vijeća Evrope
za politička pitanja i demokratiju
Kneževina Monako
9. i 10. mart 2026.**

Na sjednici Komiteta Parlamentarne skupštine Vijeća Evrope za politička pitanja i demokratiju učestvovao je član Delegacije Parlamentarne skupštine Bosne i Hercegovine u Parlamentarnoj skupštini Vijeća Evrope i član ovog komiteta Miroslav Vujičić.

Sjednicom su predsjedavale Elisabette Gardini (Italija), predsjedavajuća Komiteta, i Liliane Tanguy (Francuska), treća zamjenica predsjedavajuće Komiteta.

Članovima Komiteta su se na otvaranju sjednice obratili Thomas Brezzo, predsjednik Nacionalnog vijeća (Parlamenta) Monaka, i Béatrice Fresko-Rolfo, predsjedavajuća Delegacije Monaka u Parlamentarnoj skupštini Vijeća Evrope.

Također, članovima se obratio i državni ministar odnosno premijer Kneževine Monako Christophe Mirmand, nakon čega je odgovarao na pitanja članova Komiteta.

Razmotren je Nacrt izvještaja „Nasilje i govor mržnje protiv političara: prijetnja demokratiji“ izvjestiteljice Elisabette Gardini (Italija) te su usvojeni Nacrt rezolucije i Nacrt preporuke uz određene izmjene.

Održano je saslušanje o situaciji u Iranu i dešavanjima u regiji Zaljeva uz online učešće Luigija di Maia, specijalnog predstavnika EU za regiju Zaljeva, i Davida Khalfe, zamjenika direktora Opservatorija za Sjevernu Afriku i Bliski istok pri Fondaciji Jean-Jaurès, nakon čega je uslijedila razmjena mišljenja.

Izvjestilac Max Lucks iz Njemačke predstavio je Izvještaj „Demokratija, ljudska prava i vladavina prava u Iranu“ nakon čega je održano saslušanje uz učešće Mine Khani, članice Upravnog odbora organizacije Hengaw za ljudska prava, i Mahnaz Shirali, političke analitičarke za Iran.

Članovi Komiteta razmatrali su i izvještaj o zaštiti vladavine prava u Tunisu izvjestioca Didier Mariea iz Francuske, uz učešće Hasnija Abidija, direktora Centra za studije i istraživanja o arapskom i mediteranskom svijetu i višeg predavača na Univerzitetu u Ženevi.

Na sjednici Komiteta saslušana je i izjava izvjestioca Bertranda Bouyxa iz Francuske te razgovarano o praćenju provođenja Rezolucije 2641. „Prijetnje međunarodnom poretku: slučaj Grenlanda“ uz učešće Samua Paukkunena, zamjenika direktora finskog Instituta za međunarodne poslove.

Članica Komiteta Yelyzaveta Yasko iz Ukrajine predstavila je Izvještaj „Promoviranje demokratske sigurnosti u Evropi putem *soft powera*“, nakon čega je uslijedila razmjena mišljenja.

Članovi Komiteta saslušali su i izvjestioce koji su predstavili stanje u vezi s praćenjem provođenja rezolucija o podršci posvećenosti sveobuhvatnom, pravednom i trajnom miru za Ukrajinu i sigurnosti evropskog kontinenta te o jačanju odnosa između Vijeća Evrope i Latinske Amerike.


Odobren je prijedlog za uspostavljanje mandata generalnog izvjestioca za Latinsku Ameriku, a nadležnosti ovog izvjestioca razmatrat će se na jednom od narednih sastanaka Komiteta.

Komitet je donio odluku da predloži Birou da se dodatna prava dodijeljena delegaciji Maroka sa statusom Partnera za demokratiju za zasjedanje Skupštine 2025. produže i na zasjedanje 2026. godine, u skladu s Poslovníkom, uz naknadnu potvrdu Skupštine.

U okviru zasjedanja Komiteta održana je i sjednica **Potkomiteta za Zapadni Balkan** pod predsjedavanjem gosp. Piera Fassina (Italija). Razgovaralo se o budućem radu Potkomiteta i pozdravljen je prijedlog Marka Pavića (Hrvatska) da Potkomitet održi sjednicu u Zagrebu tokom 2026. godine.

Izvještaj pripremio:

Adnan Bešić



Sekretar Delegacije PSBiH u PSVE-u
Sektor za međunarodne odnose i protokol PSBiH

Dostaviti:

- naslovu
- Miroslavu Vujičiću, članu Komiteta za politička pitanja i demokratiju PSVE-a
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću
- Sektoru za međunarodne odnose i protokol